



Allakap ullua: 03-07-2024
Suliap normua: 2024 - 13201
Akt. nr. 24312373

Inatsisartunut ilaasortaq
Asii Chemnitz Narup, Inuit Ataqatigiit
/Maani

Postboks 1614
3900 Nuuk
Oqa. (+299) 34 50 00
E-mail: nap@nanoq.gl
www.naalakkersuisut.gl

NAQQIUT

Allagaq 3. Juni 2024-imeersoq taarserpaa
(Akissuteqaammi ilassuteqarneq – Kalaallisuuani kisimi ilanngussaqartoqarpoq)

Ilisimatusarneq inuussutissarsiornermillu ineriartortitsinerit - pillugit § 37 naapertorlugu apeqqummut nr. 138-2024-mut akissutit

Asasara Asii

Ulloq 13. juni 2024 Naalakkersuisut ilisimatusarneq inuussutissarsiornermilu
ineriartortisineq pillugit apeqquqarfigaatit.

Apeqqutit uannut akineqartussanngortinneqarsimapput.

1. Kalaallit Nunaanni inuussutissarsiornermi ineriartortitsinermik suliniutinut tigussaasumik iluqaataasinnaasunik ikorfartukkamik ilisimatusarnernik ullumikkornit annerunerusumik atuinissamat Naalakkersuisut qanoq isumaqarpat?

Akissut:

Soorlu aamma Kalaallit Nunaanni nunami ilisimatusarnikkut 2022-2030-imut
periusissiami allaasserineqartoq Ilisimatusarneq inuussutissarsiutinik
ineriartortitsinermut tapertaassasoq Naalakkersuisut anguniagarivaat. Ingammik
aalisarnernik inuussutissarsiornermi namminersortut pisortallu ingerlataqartut
akornanni ilisimatuutut misissuineri suleqatigiinneq atorfissaqartinneqarpoq.
Ilisimatuutut misissuinerup inuussutissarsiutivut atuutereersut
pitsaanerulersissavai, kisianni aamma inuiaqatigiinni aningaasaqarnitsinnut
attasisinnaanerulersitsisinnaasumik inuussutissarsiutinut nutaanut aamma
tunngaviliissaaq. Ilisimatusarnerit amerlinerisigut aamma inuussutissarsiornermi
atorfinnik qaffasissumik akissarsiorfiusunik akileraarnermilu isertitaqarfiusumik
pilersitsisoqassaaq.

2. Ilisimatusartunik ilisimatusarnerisa inernerinik Kalaallit Nunaanni inuussutissarsiornermi ineriartortitsinermik suliniutinut tigussaasumik iluqaataasumik atorneqarsinnaasunik qaninnerusumik siunnerfeqartumillu suleqateqarnissaq pilersinniarlugu periarfissat suut Naalakkersuisut takusinnaavaat?

Akissut:

Ilisimatusarneq inuussutissarsiornermik ineriartortitsinissamat
tapertaalluarsinnaavoq. Inatsissitigulli toqqammaveqarluarnissap

pisariaqartinneqarnera pingaaruteqarluinnarpoq. Ilisimatusarnermut inatsisissamut suliniut siulleg ulloq 20. juni 2024 nerrivik kaajallallugu oqaloqatiginnermik aallartinneqarpoq, tassani Naalakkersuisut Nunatsinni ilisimatusarnermut attuumassuteqartut tamaasa qaaqqullugit oqaloqatigimmagit. Ilisimatusarnermut inatsisissatigut inuussutissarsiornermi ilisimatusarnermilu suleqatigiinneq pitsaanerusoq qulakkeerneqassaaq. Taamaaliornikkut inuussutissarsiornermi ineriartortitsinissamut pitsaanerusumik aalajangersimasunik suliniuteqarsinnaaneq tunaartalerneqarsinnaalissaaq.

Tamatuma saniatigut Arctic Hubimit ilanngussasamik piniarsimavunga, imatullu akivoq:

”Inuussutissarsiornermi inerisaanissaq siuarsarniarlugu ilisimatuut inuussutissarsiortullu suleqatigiinnerisa pitsanngorsarneqarnissaannik periarfissat arlallit Arctic Hubip takusinnaavai. Tamakkununga ilaapput:

- *Ilisimatuutut misissuinermik suliniuteqarneruneq^[SEP]Immikkoortuni nalinginnaasumik ineriartornissamut periarfissalinni ilisimatuutut misissuinerup annerunerulernissaanik pingaartitsineq, soorlu Kalaallit Nunaanni isumalluutit asseqanngitsut (IT-mik suliffissuaqarnermut silannaap pissusia, sermeq, aatsitassat). Angusassamik toraagaqarluni suliniuteqarneq soorlu makkuusinnaapput siunertanut aningaasanik immikkoortitsinerit, ilisimatuutut misissuinerup aamma inuussutissarsiutit iluini/imaluunniit ilisimatuutut misissuinerup ineriartortitsinermullu suliniutinut suleqatigiissutigineqartussanut nutaanut periarfissiisut. Suliniut taanna inuussutissarsiutit nutaat ineriartornerannik kinguneqarsinnaavoq malitsigisaanillu suliffissuarni nioqqutissiorneq annerulersissinnaallugu.*
- *Namminersortut-pisortat suleqatigiinnerat: Ilisimatusarnikkut periusissiaq malillugu Naalakkersuisut namminersortut pisortallu ingerlatsisut akornanni suleqatigiinnermut tunngaviusut nukittorsarniarpaat, tamatuma inuussutissarsiutit ingerlareersut pitsaanerulersissinnaavai aamma inuussutissarsiutinut immikkoortunut tunngavissiineq pilersissinnaassavaa. Tassani pilersaarusiorneq ilisimatuutullu misissuineq ilaapput suleqatissaqqissullu soorlu tassaasinnaapput Arctic Hub aamma Nalik Ventures.*
- *Nunani tamalaani suleqatigiinneq: Inuiaqatigiinnut iluanaarutissaq annerpaaq anguniarlugu nunanik tamalaanik ilisimatusarnikkut suleqateqarneq aamma Naalakkersuisut tapersorsorpaat. Tassanittaaq ilisimatuunik suleqateqarnerup siunnerfeqarnerulernissaanik periarfissaqarpoq.”*

3.Naalakkersuisut maanna ilisimatusarnermi sulianik ataatsimut allatukkanik, inuussutissarsiornermik nutaanik ineriartortitsiffissatut piukkunnaateqarluartunik takussutissiisunik peqarpat?

Akissut:

Ullumikkut Kalaallit Nunaanni ilisimatusarnernik ingerlatsisunik allattorsimaffimmik pilersitsinissamut inatsisitigut tunngavissaqangilaq. Naalakkersuisut ilisimatusarneq pillugu inatsisissaliornissamut suliniutertik aallartippaat ilaatigut Nunatsinni ilisimatusarnernik ingerlatsisunik nalunaarsuisoqarnissaannik imalik.

Tamatuma saniatigut Arctic Hubimit ilanngussasamik piniarsimavunga, imatullu akivoq:

"Inuussutissarsiutinut nutaanut ineriartortitsinermut ilimanaateqartunut ilisimatusarnikkut sulianik maannakkut pisunik ataatsimut allattuiiffimmik Arctic Hub ilisimasaqaanngilaq. Taamaattoq Inuussutissarsiuteqarnermut, Niuernermut, Aatsitassanut, Inatsisinik Atuutsitsinermut aamma Naligiissitaanermut Naalakkersuisoqarfik Kalaallit Nunaanni uumassusillit sananeqaataasigut kingornuttagaasunik isumalluutininik katersuiniartunik ilisimatuutut misissuinermit suliaqartunik tamakkiisumik takunnissinnaavoq. Ilisimatusarnissamut akuersissutit tunniunneqartut tamarmik uani takuneqarsinnaapput:https://govgen.gl/emner/tidligere-studier?sc_lang=kl-gl Maannakkut ilisimatusarlutik sulisunut paasissutissanut iluaqutaasut aamma <https://isaaffik.com/> -miigunarput.

Ilisimatusarlutik sulisunut tamanut matumani ilanngullugit immikkut soqutiginaatillit inuussutissarsiutit nutaat ineriartortinnissaat siunertaralugu ataatsimut isiginnissinnaalernissaq Naalakkersuisut ilisimatusarnikkut periusissiaanni kissaatigineqartoq allaaserineqarpoq."

4. Arsuup Kangerluani Ikkami napasuusat atorineqarnissaannut periarfissat maanna qanoq isikkoqarpat? Taakku atorineqarsinnaanerat pillugu ilisimatusarneq maanna ukiuni qulikkaarit arlalinni ingerlareerpoq.

Akissut:

Inuussutissarsiornermut, Niuernermut, Aatsitassanut, Inatsisinik Atuutsitsinermut Naligiissitaanermullu Naalakkersuisoqarfimmit ilanngutassamik piniarpunga, imatut akissuteqarpoq:

"Arsuup Kangerluani Ikkami Napasut atorineqarnissaannut periarfissamut killiffiusoq tassaavoq, taakkunanga eqqaanilu ilisimatuutut misissuineq suli ingerlammat. Ilisimatuutut misissuineq nunamit, imermit, kinnermit ujarannortumit, naasunit, atorussiaq ikaite-mit misiligutissanik katersuisoqarpoq, avatangiisini taakkunani tappiorannartut attuumassuteqartut allaaseriniarlugit. Maannakkut Ikkami Napasut niuernermit iluaqutiginissaannut atorussamik ilisimatuutut misissuisoqanngilaq."

5. Kalaallit Nunaata marrarmik sermersuarneersumik avammut tunisassiorluni aallartinnissaa qaqugu pisinnaava?

Akissut:

Inussutissarsiornermut, Niuernermut, Aatsitassanut, Inatsisinik Attuutsitsinermut Naligiissitaanermullu Naalakkersuisoqarfimmit ilanngutassamik piniarpunga, imatut akissuteqarpoq:

“Sermersuarmit qajuusaasat aningaasaqarnikkut piukkunnaatit ingerlatseqatigiiffinnit arlalinnit misissorneqalerpoq. Avammut niueruteqavinnerup aallartinnissaa sioqqullugu misiliutit amerlanerusut naammassineqassasut ingerlatseqatigiiffinnit nalunaarutigineqarpoq. Tassa imaappoq sermersuarmit qajuusaasanut suliniutit suliniutitut killiffimminni aallartisarniarneqalerput, maannakkullu avammut niuernissamut piffissaliinissamut ajornarpoq.”

Inussiarnersumik inuulluaqqusillunga



Vivian Motzfeldt